

澄海縣圖說

澄海縣之設昉於前明嘉靖癸亥以海氛不靖析海鏡揭三邑之地而置之在郡地東南六十里廣三十餘里袤八十有五里負山阻海市舶輻輳為潮郡襟喉城周圍九百二十六丈四尺門五東西南北并小北門玉帶溪環其外若天塹邑七都所領七十八圖今存四十餘圖云北四十里界饒平則為蘇灣都有樟林巡檢署南崎山居其中距城北十五里高百餘丈上有塔山寺麓有石鼓扣之蓬蓬聞數里仙門山在仙門村有烽堠其在仙市村者為獅子山以山如獅形故以六都為之隴山又西為了山一名小電一楊廷斯讀書處析

澄海縣輿地圖

而左為三髻山三峯竝立騰倚多姿麓有資福寺其最聳拔者為蓮花山高三百餘丈雄鼻奔放五峯噴吐若蓮半枕饒境實為縣治後辰南連龍船嶺嶺在陶峯村宋末郡人陳肅講學於此西北二十里西十五里界海陽則為下外都中外都工外都西山距城七里華富村山麓多奇石林木森蔚清流環繞如畫龜山前臨大溪舊傳宋太子避元兵過此設行在因稱北殿山由華富富之上坑為許石山北為水吼山上有天池觀音山在水吼山之西本有寺今廢神山在管隴寨較諸山為低小然峯壑峭秀蒼翠若滴寶甲他山其高處有日觀峯呼龍塢其下巖壑幽邃為攻玉洞通仙巖巖下細流涓涓

清冷可掬為仙巖第一泉西望石城山隔水對峙為西南四十五里界揭陽其地為蓬洲都鯨浦都鮫江都鮫浦巡檢署在蓬洲所由望天犀達龍泉巖有巨石如室有容數十人至長嶺大湖延袤鮐浦鮫江二都間而鷄籠山特形端潔其他或以形勝或以地名不可屈指數總之皆澄右臂也南三十里東十五里東南二十五里均界海岸其水發源于韓江由洪渡塘分支距城北五里曰北港自橫隴溪東北流經南洋東湖入海在南洋村曰蓬子港自橫隴溪東北經南洋至卡路口折由東入海其北曰大洲港自蓬子港北流經南洋分一派折而東北入海又北曰飛錢港港有井深不可測又北曰旗


澄海縣輿地圖說

嶺港則合東隴港為一港凡往來客舟多泊于此在東隴村外曰東隴港經龍都合樟林之水而入海距城南五里曰南港自橫隴南流至大牙東分一派經上窖沈洲外砂等村入海大牙西南分一派曰新港經蛋家園漁洲橫窖等村入海由月浦寨東分一派曰東港經鷗汀隴頭沙頭市入海為商船停泊之總匯由月浦寨西分一派曰西港經岐山村入海由漁洲隴尾分一派曰溪東港經月浦舉登等入海而海中諸山環列若屏障者則有侍郎嶼大萊蕪小萊蕪紅螺嶼放雞山潯洄山若干洪濤巨浸中設立門戶又多築砲台城堡以藩衛之宜乎在列邑中稱雄緊也今夫論險阻者在山

川相維繫者在禮義澄地耕三漁七其文人彬彬有鄒
魯風頽不免於健訟好鬥漸染三陽習氣也苟由生
聚而加之教訓庶澄清之治無難復覩也哉

署澄海縣事陳善圻謹識

澄海縣輿地圖說

廣東潮州府澄海縣今將所屬城池衙署兵防山川


計開

澄海縣本境東西廣三十里南北八十五里

西北水路由嘉應州至省城一千七百一十里
中至長樂縣之岐嶺過山六十里至龍川

縣老隆司下船南陸路由海豐至省一千零七十里

西北至府城并附郭海陽縣六十里水路同又至鶴塘交界

四十里西至海陽窰埠界二十里

北至饒平縣城一百八十里東北至九溪橋交界距本城四十里

西南至揭陽縣城一百二十里至鄉堂交界距本城四十里

澄海縣輿地圖說

南至海面潮陽縣放雞山界四十里官至竹根洲

東至海面三莫界六十里

東南至海面南澳界

額征地丁正銀一萬一千六百八十三兩八錢三分二厘

改征本色米無

額征屯谷八百七十五石七斗一升五合八勺碾放澄海營

兵米

常平倉原額儲谷三萬二千一百四十四石四斗八升五合二勺

內除咸豐四年間吳忠恕作亂張令動用未經買補谷一

萬五千六百七十七石零六斗外實尚儲谷一萬六千四百七

十三石八斗八升五合二勺

社倉原儲谷一萬二千三百六十四石六斗六升八合四勺嗣于乾隆五十九年及嘉慶八年兩次清查案內每石價銀七錢二分該價銀八千九百零二兩五錢六分一厘內除解儲司庫銀八千八百九十一兩二錢四分一厘尚存縣庫流交銀一十一兩三錢二分

義倉現儲谷四百八十五石二斗

查義倉在縣城文昌廟東偏係紳士鄭遠輝遠炳兄弟於道光四年間捐

造復於七年間捐買蓬州都土名冷上等處田一百畝所收租谷係該紳自行經理遇有歉歲儘數平糶咸豐四年間吳忠恕作亂米價昂貴出糶無存嗣因鄭遠輝等兄弟年邁告退繳出五六七八等年谷二百一十石零二斗公舉生員陳時熙接管以該田多被沙淤呈請減租公議不論豐歉除倉丁工資外每年淨納租谷五十五石計自咸豐九年起至同治二年止共收谷二百七十五石合計現存前數合註明

澄海縣輿地圖說

一城池

本縣城癸丁向建自前明嘉靖四十二年城周圍九百二十五丈四尺址廣一丈八尺高一丈一尺腰城雉堞各三尺共高一丈七尺萬歷三年增高三尺五寸共高二丈五寸計垛堞一千二百八十有三為門五東西南北門並小北門玉帶溪四圍環之為濠池深五尺濶二丈北設水關以通玉帶之水全城形勢在平原坤位順治乙未毀於闖寇丙申修復康熙己酉官紳捐資依舊基重建城內居民店家約有萬餘戶陳蔡兩姓為巨族城外居民店家約有萬餘戶咸豐四年五月賊首吳忠恕王興順率賊眾萬餘攻撲圍城垣十一月解圍賊首吳忠恕等先後伏誅民賴以安

一衙署

本縣衙署在本城北門內

教諭衙署在 學宮明倫堂之後

訓導衙署在 學宮鄉賢祠之後

典史衙署在縣署西二門內

巡檢衙署一樟林鎮司巡檢在蘇灣都樟林寨內距縣城

三十里由東隴村過渡經岱美村南洋寨過渡至縣

城一鮑浦司巡檢在鮑江都蓬州所距縣城三十里

由翁公碑水吼橋塘經大牙上窖下窖等村至縣城

小江場蓋大使衙署在蓬州都岐山鄉

粵海關之澄海口在南門外附城分征粵海關稅務

澄海縣輿地圖說

粵海關之東隴口在東隴村距城二十五里分征粵海關稅務

一道路

由本縣東門外經東湖鄉崑美鄉外埔村信甯村至海面南澳界

由本縣南門經南門橋至上埭村過渡至外砂汎過渡經洋邊村浮隴至華塢村沙汕頭埠沙汕頭汎出海與潮陽縣交界

由本縣西門經南門橋至上下窖村上窖汎至山邊村冠山圖濠村過渡即海陽縣之鰲頭村交界

由本縣北門經埔尾村過杜王渡至南洋村埭尾村南沙村過渡至東隴汎東隴村至樟林村鴻溝村至九溪橋與饒平縣之隆城鄉交界

澄海縣輿地圖記

本縣水路經由南門橋東行至港口村出海與南澳交界西行經上埭村尾埭村上下窖村山邊村圖濠村夏塘村紫林村至洪渡塘與海陽芒洞溪交界直達府城出北門大溪東行由外埔村前出海與南澳海面交界西行至杜王渡斗門村山尾溪汎與饒平縣之前埔鄉交界

一兵防

澄海營參將一員駐劄同城

左營中軍守備一員駐劄同城

左哨千總一員駐鷓汀背寨堡距縣城二十里

右哨千總一員駐沙汕頭砲臺距縣城三十五里

左哨外委千總一員駐鷓汀背寨堡距縣城二十里

右哨外委千總一員駐放雞山砲臺距縣城四十里

左哨頭司把總一員駐外砂汛距縣城十里

右哨頭司把總一員駐蓬州汛距縣城三十里

左哨頭司外委把總一員駐上管汛距縣城十里

右哨頭司外委把總一員駐小坑臺汛距縣城四十

澄海縣輿地圖說

五里

左哨二司把總一員駐縣城

右哨二司把總一員駐放雞山砲臺距縣城四十里

左哨二司外委把總一員駐縣城

額外外委一員駐縣城

右營守備一員分駐樟林寨堡距縣城三十里

左哨千總一員駐南洋寨堡距縣城十里

右哨千總一員駐大萊燕砲臺距縣城三十里

左哨外委千總一員駐山頭仔汛距縣城二十里

右哨外委千總一員駐大萊燕砲臺距縣城三十里

左哨頭司把總一員駐樟林寨堡距縣城三十里

右哨頭司把總一員駐東湖汛距縣城三里
左哨頭司外委把總一員駐藍灶汛距縣城四十里
右哨頭司外委把總一員駐東隴汛距縣城二十五
里

左哨二司把總一員駐縣城

右哨二司把總一員駐烏塗尾汛距縣城三十里

右哨二司外委把總一員駐縣城

額外外委一員駐縣城

左右營馬兵十二名

左右營戰兵三百三十名

左右營守兵九百三十一名

澄海縣輿地圖說

左右營騎操戰馬一十二匹

左營額設大中小米艇四隻奉發拖船二隻八槳船
二隻

以上各船業經陸續屆期送廠暫行停修

右營額設大中小米艇三隻奉發拖船二隻八槳船
二隻

以上各船業經陸續屆期送廠暫行停修

沙汕頭外海砲臺一座在海墘係縣城坤位配大砲
八位距縣城三十五里該臺為汕頭埠隘口來往
雜處防範最關緊要專防右哨千總一員原配兵
三十九名

放雞山外海砲臺一座在放雞山頂係縣城午位距縣城四十里配砲八位該山係潮陽縣管轄砲臺弁兵仍歸澄海營配防孤懸海口為沙汕頭之門戶華洋商船出入必經之路最為險要咸豐七年設立新關委員經理稅務專防武弁右哨二司把總一員右哨外委千總一員原配兵三十七名溪東港砲臺一座在蓬州城外溪內係縣城申位距縣城三十里原配兵八名並無配砲

山頭仔砲臺一座在南砂寮前溪坪係縣城辰位距縣城二十里協防左哨外委千總一員原配兵十五名並無配砲

澄海縣輿地圖說

大萊蕪砲臺一座在山頂係縣城辰位距縣城三十里專防右哨千總一員協防右哨外委千總一員原配兵四十七名現在並無配砲

較場在東門外離城二里長八十六丈四尺濶四十大週圍一百四十七丈

箭道在城內泰將署左畔長二十三丈濶五丈六尺週圍五十三丈

一山川

南峙山一名觀音山壬位距城北十五里南洋鄉高百餘丈周迴十餘里上有塔山寺

仙門山壬位距城北十五里仙門村高六十丈周迴二里上有烽燧今廢

獅子山癸位距城北二十五里仙市村高七十丈周迴二里形如獅子故名

管隴山辛位距城北十里管隴村高七十丈周迴二里經而西為鳳山一名小虎邱壬位距城西北十里程洋岡高七十五丈周迴二里巨石歌立林木森森麓有丹砂寺其東為三髻山癸位在董坑村

澄海縣輿地圖記

距城北二十里高一百丈周迴四里麓有資福寺諸山蜿蜒相連亘為縣治屏障

龍船嶺壬癸位距城北三十里陶輦村高十大周迴三里上有石龍寨陳弔眼所築

蓮花山癸位距城北四十里高三百餘丈周迴十餘里山勢雄鼻奔放五峰巔屹若蓮故名又名白石山絕頂一玉井腰有天池細流涓涓出石罅中每當紅暈微露倏忽躍起數千丈映射江水恣成明霞百花洞在兩峰巔巖間懸崖古松如虬盤洞口瑰異萬狀山北界饒平信甯都經而南連龍船嶺東面障海西瞰邵城高壓諸山為縣治後辰

西山癸位距城西北七里華富村高十二丈周迴一里山麓多奇石林木森蔚清流環繞如畫

龜山壬癸位一名覆盆山距城西北十里華富村高二十二丈周迴二里前臨大溪

許石山癸位距城西北十里上坑村高三十五丈周迴三里北接水吼山距城西北十三里高二十丈周迴三里上有天池

觀音山壬癸位距城西北十三里在水吼山之西高十五丈周迴二里上有觀音寺久廢

冠山壬癸位一名神山距城西北十里冠隴寨高十一丈周七百餘武較邑中諸山最為低小然峰壑

滄海縣輿地圖說

峭秀草木榮敷實甲他山山之最高處有觀日峰呼龍塢其下巖壑幽邃為攻玉洞適仙巖巖下細流涓涓清冷可掬為仙巖第一泉其餘勝概有仙人石應碣出米石大士石金龜石仙龍橋仙江紅葉池池之上有朱晦翁祠祠左為魁山書院由通仙巖而上為文昌閣涉循而下有駐雲亭神山寺山麓有明貺廣靈廟乾隆丁未建魁星閣於觀日峯上山下建一小石塔高五層計一丈

石城山戌位距城西北三十里高二十丈周迴四里
上有烽堠

龍泉巖庚申位在蓬州所右高百丈周迴三里距城

西南三十里由望天犀達龍泉巖至長嶺大湖延
袤鰲浦鮑江二都間其巖巨石如屋可容數十人
雞籠山申位在城西南四十里高七十丈周迴四里
在揭陽岱美澄海鮑江二都之界諸山峩我獨此
端潔似雞籠故名

以上山陸

北港距城北五里自橫隴溪東流經南洋東湖等處
入海

蓬子港距城北十里在蘇灣都南洋村自橫隴溪東
北經南洋至卡路口南折由東入海分一派北折
透雙頭亘入海

澄海縣輿地圖說

大洲港距城北十里在蘇灣都南村自蓬子港北流
經南洋分一派折而東北入海此港去海最近產
諸海錯為海濱利

飛錢港距城北十里南洋村相傳港中錢飛因成一
井深不可測故名

旗嶺港距城北十五里南洋大洲港之北合東隴港
為一港凡往來客舟多泊於此

東隴港距城北二十里在東隴村外自韓江而來經
隆都合樟林之水而入海

山尾溪距城北十五里宋以前未有此溪哲宗時場
官李前始鑿程洋岡北畔為溪上通韓江東行十

五里至神山前會水寨溪入海

三

橫隴溪距城西北二十里上外莆都上通韓江東分一派經東林程洋岡南洋達縣治之東北至北港入海西分一派經南界冠隴達縣治之西南至南港入海

溪東港距城西南四十里與沙汕頭砲臺東西相望自漁洲隴尾分一派西經月浦舉登等村入平田洋

沙汕頭口距城西南三十五里在蓬洲都即沙汕頭前海澳也有淤泥浮出作沙汕數道乃商船停泊之總匯東出大海西連潮陽之達濠後溪西北通

澄海縣輿地圖說

揭陽之北砲臺為海防要隘

南港距城南五里自橫隴溪南流至大牙東分一派經上窖沈洲外砂等村入海

新港距城西十里有橫隴溪東流至大牙西南分一派經蛋家園漁洲富砂橫窖等村入海

東港距城西二十里自蛋家園西南分一派經漁洲隴尾轉萬石岐等村入海按昔有西港今已壅塞金獅喉港在南港後分一支西流入海

以上水道

一海島

本縣濱臨大萊蕪小萊蕪洋面東南界南澳及潮陽
達濠洋面南界潮陽放雞及角石洋面西界潮陽潯
泗山洋面所轄洋面計六十里

內洋

各洋以枕近某島真為洋名里數詳海島

外洋

各洋以枕近某島真為洋名里數詳海島

潯泗山申位亦曰巡梅距城西南五十里突起海中
接潮陽界高六十餘丈蜿蜒十餘里中包村居曰
潯泗有甘泉奇石巖中有小村民居可以避亂

澄海縣輿地圖說

大萊蕪山辰位距城東三十里在侍郎洋面之西二
峰峙海中高十餘丈又名雙髻山有砲臺舊有民
居為萊蕪社明永樂間遷入縣治南門外

小萊蕪山巳位距城東二十里在紅螺山洋面之北
一名留子山與大萊蕪對峙相去十里山上有鼎
來塔並無居民

放雞山午位即媽真在城西南四十里高十餘丈周
五里左峰上有烽堠防盜右峰有两天后廟山本
隸潮陽康熙五十六年己亥建砲臺一座營房十
五間撥澄海營弁兵守之現設新關為汕頭門戶
角石山坤位距城南四十三里山屬潮陽有英國美

國領事府距海岸十三里東近圖彌竹根洲

赤礁與鉄砧草與如品字形丙位距城東南五十五里高一丈餘周約半里西南適中與達濠分界三與甲位在五與洋面之北距城東北五十里每高一丈周約十餘丈並無民居與南澳分界

紅螺線在放雞洋面之北已位距城二十里由北至南長約十餘里寬五里在水浮出潮長則隱潮消則現赤色而水紅沙硬如石來往舟船宜防避

侍郎與即鳳與在大萊蕪洋面之東已位距城七十五里並無民居

五與在侍郎洋面之北郊位距城八十里每高三丈

澄海縣輿地圖說

周約一里

以上海島